

# Nau mai rā taku mere pounamu

---

Nau mai rā  
taku mere pounamu  
Ki te ao mārama e

Piki mai, kake mai rā,  
kia topa tōu wairua  
Ki kā raki tūhāhā  
Kei reira tūtaki ai ōu tīpuna e  
kia kakahuria koe e  
tō korowai whakapapa  
rakatira e

Kia ako kā mātauraka  
Tuku iho  
I kā whakatipuraka maha  
o Kāi Tahu e  
Heke iho rā  
I kā mauka whakahī  
Kā Tiritiri o te Moana  
Tau mai rā ki te pae whenua e

Ka ara pounamu i takahia mai  
O tāua tīpuna  
Kā Pakihi Whakatekateka o Waitaha e  
Kā awa Rakahuri, Waimakariri  
e kawe nei  
Te waiora mō te iwi e.  
Kia tipu taku mātātupu  
Kia puāwai e..i

Nei rā taku mere tāhei  
Ka tākai ki tōu poho  
He kakara maumahara  
O kā taoka tuku iho e..i

© Lynne Te Aika Haratua 2021